

մեծար կը համարէին, դաւելով իսկ իրենց տոհմայինքը, թագաւորն ու տէրութիւնը, հզօրագոյն թշնամւոյն դրօշին ներքեւ վա-  
յելել անդորր եւ ապահով իրենց մեղկու-  
թիւնքը՝ քան զինուց խստութեան ենթար-  
կուիլ ի պաշտպանութիւն հայրենեաց :  
Այս թուլամորթութեան հետեւանքն էր ա-  
նոնց ծանօթ անմիաբանութիւնն ալ, որ  
սխալմամբ առաջին պատճառ համարուած  
է մեր տկարութեան :

Դիտելի է՝ թէ ինչպէս մեր իշխանք  
առ հարկի կամ ըստ պատշաճի բանակին  
մէջ գտուելու ժամանակ իսկ միասին կը  
տանին իրենց բոլոր առտնին հաճոյքները :  
Այնպէս որ ռազմի դաշտին վրայ հայ զօ-  
րականին «վրանաց» ներքեւ կը տեսնենք  
այն ամէնը՝ որ կրնար գտնուիլ պալատի  
մը մէջ. «զհովանոցս եւ զսրահակս, եւ  
զգահոյս եւ զանկողինս, եւ զկահ եւ ըզ-  
կազմածս եւ զկարասի իւրեանց, եւ զգանձս  
իւրեանց անգամ», որոցմէ զատ են «զէնք  
իւրեանց» : Կռուելու չեն զնացած, այլ  
փափկանալու. եւ փախչելու պարագային՝  
այդ ամէնն աւար կը թողուն յաղթակա-  
նին (Փաւս. 135) : Այս բաւական չէ. Ոս-  
կերբրանի թարգմանիչն Անտիոքայ քա-  
րոզչին նկարագրած արքունի բանակին  
պատկերն հայացնելու վայրկենին՝ իւր ծա-